



على باب الودى شاعر

اسم الكتاب: على باب الوئس شاعر

النوع: ديوان بالعامية المصرية

تأليف: هند محسن

إصدار: 2023

تحت إشراف: أسماء أبو العطا

تصميم الغلاف: المروة خالد

الإخراج الفني: عبدالعليم منا

رقم الإيداع: 2023-13076

الترقيم الدولي I.S.B.N: 978-977-86515-7-7



9 شارع مسجد المغفرة المتفرع من شارع العشرين
بجوار مدارس حسام الدين الخاصة – فيصل – الجيزة

موبايل: 01113079741 &&01007136897

جميع الحقوق محفوظة للناشر ©

واى اقتباس او تقليد او إعادة طبع او نشر دون موافقة كتابية، يُعرض صاحبه
للمساءلة القانونية.. أما الحقوق الملكية الفكرية والاراء والمادة الواردة فى الكتاب
فهي خاصة بالكتاب فقط لا غير.

هند محسن

على باب الوندى شاعر

ديوان بالعامية المصرية

ساريزها
للنشر والتوزيع

الإهداء



إلى جبران

الذي رأى في غادة كبرياء الأطفال ولمعان عيونهم

وإلى سعاد حسني

الطريق الأخضر، المصنوع بجمال أو حزن

وإلى فؤاد حدّاد

أصدق كذوب في اللي اسمه الشعر

وإلى أبي

شجر اليقطين

وأمي،

دعوات السماء

في قسوة الوسيّلة

وإلى شلّة القودايس فرداً، فرد

وللطيبين من رجال أو نسوة

وللقصيدة اللي أنا واقفت على بابها بقول إهداء



دمالة صاحب البيت

أنا حد غيور
وقصيدي البيت اللي بنيته
والعالم،
مقدار الخمرة اللي بيمسكها شيطان
وأنا عند الفجر لغاية الآن برقص حافي
وبسيب الكل عشان نادر
واحد يبقى الكل لنفسه
في الإنسان أعظم كداب بيقول الحق لكل الناس
وصفوه شاعر..
اغفرلى يارب
أنا ظنّ مالوش دعوة بـ وحيك
واغفرلي يا صاحبي إن أزعجتك
ووهمتك روعي بدون أسباب
بشتكي ليه من ذوق ف غياب!!
كان حلو الصمت اللي ما بينا إن أحسنته
والملفت جدًّا إن الضحك أسأنا إليه

مع ذلك مايل للأقرب وقت الإفيه

كان فيه صاحبك؟!

اشترى خاطري

من يومها ماشوفتوش في العالم..

عايش بوضوح بقرأ، وبكتب

لو نص العمر يضيع مني هبحث عني

ما أنا مش بقبل غير بشريعة " كُن نفسك "

والباقي سلام

من فترة ما طلّتش الحلوة بإيقاع ناعم

إمبارح خطرت على بالي زي الغفران

فستانها حرير،

أو شاغله برونز

في دماغى مريض علشان بيعاتب بنت على شعورها

ومعاها لطيف لو حان عالسما تحدفنا بـ ورد

الصبح الأزرق في عينيها

وإيدينا اللي بترقص دبكة

والحبكة اللي شافوها الشعرا

رقصة ما بيني وبين النور..

يا ربيع فغياها بتتنجمل

أنا واقف ليك زي المرصاد

عارف إني:

بنسى الصلوات،

وأنا فارغ زي اللي بي فهم فضل الإيمان ومطبقهوش

بسعادة لون أسود حالم

لو يلبس شب

من غير شيخوخة تغطي عليه

وياخدني جمالها لإيد الله..

فجأة

يقطعني الحرف اللي يخوف،

ترحف قافية،

تطلع أبياتي صور حافية،

والكل يقول طبعاً شاعر

ما أنا فعلاً ده نفس الشاعر

بس ماليش شوق إني ألعب وابقى قصيدة على لسان حد!!

قاعدة بتخالف لي سموية

النهاردة

كُنت ناوية أدق لك عالباب

نتفاوض مثلاً عالعام

تفتح؛

يوقف العالم أو يمشي بعيد

نتمشى ببساطة واحد

باصص عالسقف اللي باقي له على إنه بريد

مستني الحد اللي هيتعب

علشان يثبت له إنه باقي له

ودي مش ساهلة

إني أحاول أفرض نفسي

على أمل إنك هتعود دايماً

دايماً هتعود..

ما هو ده العادي

بس المؤسف؛

لو إيدك تزهب من إيدي هلمسها ازاي؟!

ف الغياب

عذاب جدّاً تقول الست:

" ماخطرثش على بالك يوم تسأل عني "
مش حلوة دي أسأل عليك سومة ف الغنوة ما تردش
أنا جيت للدنيا لقيت فيها
سكارى ومجانين،
ولقيت فيه قنابل هيدروجين بتبوس الشمس فعز شروقها
والساعة ميعاد
شيطان في الكرسي اللي أتاخر علشان محجوز
والحبّ يجوز؛
كان أول مطرة تزور عيني وتجيب إسعاف تملئ شوارع
مع إني بدور عالبسكوت جوا عيونك
ببراءة طفلة
بتقول عالدم؛ ورود حمرا
وتقول عالليل إنه مؤامرة
مع ذلك قاعدة بتقرا عن كوبا
في داخلها بيوت
بتساع في قططها قبل الناس
وفي روحها فيه مساحة إيجار
علشان واحد منهك على طول بيزور الكل، مبيزورهاش
أيا طعم المرّ اللي مخلي
واحد متشاف دايمًا خفي
وأنا يومه اللي مكهرب حاله
علشان ساهل بالنسبه له يرجع لي وقت ما بيشاء

إيه اللي ما قالتوشه الدمست فغيا بكم

(1)

"بعيد عنك"

الشمس اللي بعوزها محايدة

ماخدتش في بالها إني براقبك

وبراقب فيك بجمال وهدوء كل الدوشة

أصدق صاحب

مين بتحبه!؟

اللون اللي بتختاره بكل بساطة

شكلك في الخوف،

وطريق العودة اللي بيغزل ضلك بعيون فنان

متعلق جدًّا في الآتي:

في الورد الأبيض علشان رايق

في الثورة اللي بترسم شبك عرقان بغزارة ونس للناس

للنخلة اللي بترمي جريدها بمقدار ثابت

والباقي،

المدهش وحياتك

قاعدة الأيام زي الأطفال لمأحة بتسأل إيه ناقص؟!
وأنا لسه هقول: أيام خضرا
قعدت تبكي وتقول " معلش "
في نهار تاني؛ هنشوف الوش الي فايتنا بمزاج وحنين..

(2)

" كُنت بشتاقلك وأنا وأنت هنا "
بس الخيال خلاني أشوفك وأنت خارج عالطريق
لابس أنسب حاجة تليق لك
مش شاغل نفسك بالساعة
كان همك لو تلمح حبيبين
وتشوفنا مجازاً مرة هناك
وأنا لو تعلم: في دروس الود باقيت شاطرة
بصحى من النوم
بجمع في عرايس مكتبتي كل الروايات
وبسيب عقلي في نهاية الأمر
وبخلي القلب يدوق غنوة فنكون عيلة
في البيت الي هيجعل حسك أنسب ضلة لأصحاب البيت
أنا وأنت وبس..

(3)

" وفين أنت يا نور عيني يا روح قلبي فين "
وعشان غايب مفيش على فين ولا امتي!!
فيه عدو وسايب طلق رصاص على روح غلبان
كان فيه خياط بيفضي سجايه في ن عينيه علشان ياكل
ومثقف ميت من جوعه مش لاقى جديد
كان فيه سُمعة بتقول الذنب على الدكتور علشان عيل في الآخر
مات
كان ماشي الذنب بيتصنت على رقص حانات
كان ضوء باهت شايف نفسه
طول ما يساوي ل خمس سنوات
أقصد للتو،
فيه مجاز للبنت إن جت تحلوى بيقول الكل إنها بتحب
وأنا معاهم،
ولا شيء آخر عندي هقوله
والشيء الأصدق إني معاك بتساءل لو كُنا هناك
وهناك عينك دائماً جمبي
دايمًا.. دايمًا
وأنا بختم هزعل مع سومة
بس الأمتع لو يهمس اسمك في قصيدي بيقول الله
في اللحظة اللي بكتف شوقي
على إنه بيان قدام الناس بيصقف لك..

أكثرهم اللي اتقاله في جلدته فقدمية

للمخدولين،

ولبعض المتتنفس منهم بالناس والكم،

وبدون قُربة

الكل هيبقى لك حالك، إنما حالك لسه في غربة!!

00

من غير ولا شيء

كان النهار رايق

بجمع أدلة من راديو أو من نرد

أسألني وأنا هرسم كل الأرصفة ألوان

أسألني عالأوراق وأنا همشي على كيفها

وهبص لك وهقول:

في شبابي كان خوفي مني

زي اللي متعلق ف مسمار بيدوبه في الشمس

مشكلتي مش زي اللي بيتخانقوا على التكليف

ولا إني بعيش علشان أكل واصنع مجدي

وأشوف المشهد من حولي،

أجي أوصف روعي مالقاش تشبيهه!!
أنا حد رديء
إعجابك بيه هيفوق إعجاب كل اللي تقابله
ده لإنه بيبحث عن أشياء
لو جت فجأة هيدوب وموت
مع ذلك قاعد بيجرب
شعره البواريك،
بعض الأخطاء اللي بتجعل منه تافه جدًّا
مع إنه حريص يجمع في حاجات مالهاش فائدة
يخلق في الحبّ عشان ناقصه
يخلق في كلابه عشان أوفى
يخلق في صداه اللي استوفي شعره المحني، لأسنان بارزة
يتكلم مع عمره الشمعي
وييفشل إنه بيان مجذوب
فيسيب لشيطانه الوقت يصلي ويدعي له
وييفتح كل عيون الغاز دون إشعالها
وييفضل ساكن مش متصاب،
ولا حتى بيغلط،
وبتغلط هيّ وبتسيبه في بيوت الشوق

قاعد للراديو اللي جمعهم جوا الغنوة
لا بيملك قرش ولا قصيدة، وبيان قاتل علشان طيب
متأخر جدًا عالابواب
متأخر على دقة إيده
الصنعة اللي بتبني شوارع
وبيمشي مجازًا بالملقوب
مش حرية؛
دي بواقي هروب
من صورته اللي اتقسمت نُصين!!
حاطط في الجيب رسمة بسيطة
حاطط في الثاني الدرس الأقرب ليه في الرقص " لمسة إيدها"
مش عارف يشتري إيه من كان يا مكان!!
ف اشترى نفسه واتبقى كتير
قام جايب بالباقي فراشة، وأهي قاعدة بتضحك عالجدران
صورة وذكرى..

عتبة جاز للفن فننة

قال العراف طب ليه فلانة؟!

باصيت للفن وللأشياء

للمثل العليا اللي بتخلق لذة إحساس

باصيت في مظاهر للتعليم على أثر النور

ومشيت بالصمت الي اختارته على إني أقول:

قالت رُوجي،

وساعات الروح تنفع جسدك

علشان لو غابت عن بصرك تبقى فراشة

علشان لو ظنّي خدش عيني تبقى عصابة

المعنى الي أخذته في شكلي، نفسي الي بجد

بيقين القلب الي هيكتبها سيرة ذاتية

بعض اللمحات (صوتها، وصدي) والعرشة الي تملي في ردي

علشان ظاهرين نفع مع بعض

بفضول سياسات

إسكافي بيدرس رضا حاله؛ فيصنع للباقيين غنوة

وأنا صانع من نفس المادة

القيم الروحية في ذاتك،
على قد السُمرّة الي تبين إن أنا طيب ومعاه شيرير
بأيدين سخطين عالنعمة الي تخلي
أمشي الصُّبحية بدون وردك على إني شجاع
وتعالى هنحكي من الأول:
من ساعة ما مشيت في طريق الصمت الي اختارته
على إني أقول: قالت رُوحِي،
وساعات الروح تنفع جسدك..

حتى لا تظني، الدشمدى

للتو

فيه طفل عجوز ماشي منازل نحو أمومتك

عَن بُعد بيستقصى في كلام الربِّ

هامم عالبيت الي يشبه دفيان صوتك

بيقرب؛

يلمس معايير لم تُعرف بعد من خفة جميلة ف بنوثة

يا زهور دمي

أنا بسمح لك تبقي يقينها

تتخفي في أشياء الوعي الي ما بيني وبينها

وتسيبي أساس هيدوم على طول

وإياك يا حلوة في يوم تترد

إيد في بعادك عَن كتفي..

هيان واحد مش على بعضه

هيان على طوله وعلى عرضه

زي القهوة؛

لو بردت ماسخة بدون أسباب

دخانه الأكر حشمة؛

هيكون جزار سكينته إيديه

هيقطع جاييز في صوابعه وهر عليه العمر بطيء

والبعض يقول عنها عقوبة،

وأنا جي بقولك دُقي الباب واشتري خاطري

أنا مش حابب نفضل مسافات..

ولذلك؛

فلوريدا عشان دولة سخية

بتصّب جمالها على النباتات

وأنتِ قرنقل أو ورقة غار، أو حفنة من الأرز العِطري

يا دلال فكري لو جه يحتار

اختارك من بينهم بالذات تبقي وعوده

معروف يعني: الشيء يبتهت يدبل عوده

وأنتِ اللي بريئة وعنيدة في حواس جسمي

كلمات وهزار

أنا كُنت كثير قبل ما أقابلك

دلوقتي عشانك واحد بس مفيش غيره

في المكادر الأولى في المشهد

الألوان

مش كل الألوان في إطارها الكوميدي تخوف حد
والأسود بالذات ينفع يتقال عنه
يشبه لاتنين عايزين يتقابلوا في عز الضهر بروح وحياء
وعليه كان واضح جدا في المشهد
شخص بسيط، مستقل
متحرر عارف مين هو
بشموخ الليل اللي بتكثر حوله نجومه
كانت عفوية، أقصر منه
بتدوب في عوالم جوا عينيه
وبدون تحديد كان الحاضر قرب منهم
طبع الماضي في قانون الرفض دائما ثابت
وطباعها حقيقي مريبة بشكل عجيب
بحواس أو حُب
كان فيه مفارقة بتكشف عمره
كان فيه أمان ودفعتها جزاء الحرية
كان فيه إنسانة وكانت هي،
كان أكبر، أفضل مما يظن
وعينيها السفر اللي مخلي روحه في رحلة

توبيخ ساخر؛
إن المنفصلين دائماً توهة
مع ذلك؛
أنا وأنتِ الأمل الي جعلنا براءة أطفال العالم
فتعالى نخلي دماغنا بيوت،
ونحاكي الطير،
نخلق م الشوق غنوة جديدة
مواثيق أبدية، وهوية،
براهين تثبت إني بطاردك بحشود بلا حصر
وإن أنتِ قوية، ومذهولة
وأنا بتحرك مع إنه يبان واقف جمبك
نفس الإنسان الي اتحول بطفولة جميل
مش حلو المشهد قد ما فيه رصك للحركة وللأشخاص
مع إني بشوف لو كُنا مكانهم هيبان أحلى
عن نفسي أنا شيء أدنى
وأنتِ التفاصيل،
الدور الي بيحبر جمهور يفضل واقف ويصقف لكِ
وأنا هفضل باصص وياهم
على مشهد غيب برماد داكن
بتقول النفس: ساكنك الحلوة!! مفيش لكن
الشمس الي بتطلع شايفة
وخداني معاها لآخر العمر وأنا راضي بده

..

على عيني

" يا مسافر وحدك وفايتني "
أوحشتني على قد ما فيها من وحشة
على قد الدنيا ما بتلعب بولينج
بأيدي الأضعف م العصفور
على قد اليوم الأول لو كان مخبُول قاعد يتطنط في غيابك
وأنا باصة عليه..
الفرع اللي جعلني هزيلة
خلاني أخبط في هدوئي وقت العتمة
باكل في السما والليل علشان أشبع،
ويهل نهار بياكُلني معاه
القصد اللي لمحته في غيبتك
علمني أدقق في الآتي من زهق الوقت:
ليه الأستاذ مش فاهم يوصل لعياله في دروس النحو؟!
ليه الفلاح بغموض وحنين
الشمس تبان بنت مزاجه مش عادي تهل؟!
أو إيه اللي يخلي موسيقى

تغزل م الضل اتنين بهجة بلا أي حدود
فين الإعجاز إن الرقصة تقرب أخذود!!
أنا نفسي الساعة تقرب لي
تيجي تاني أتكلم، وأحكي لك
زي الإعلام على حافة خطأ الاستقلال
وتقولي الحيلة اللي عليها
ينطق قلبي بإرادة وجد
تبقى الحرية،
حرية بجد،
والغيبه اللي بتلوي دراعي؛
هتموت أول ما أسكن حضنك
ولا شيء فاضل عندي هقوله

..

في المكادر الثاني في العدمهد

أنا وأنتِ بنكتب عن روحنا
فلسفة الشاعر إنه بليد أو جاهل يوصف حتى صباحه
مع إنه القادر يمنح وردة
أصدق طائر وتطير وياه
فلسفته اللي بتنزف معاناة
كانت جمبك في قاعات الرقص الموصوفة
علشان زعلان يضحك جهراً
يجي بكره بيتحول ل زمان
مافيهوش صوتي العالي المزعج
ولا فيه الراجل ذو النظرة الواحدة في كازينو الوقت
ولا فيه أعداء..
والحُب كمين،
بيشاور دايمًا عالأفكار علشان تتوزان بعد الحرب
وأنا وأنتِ تباهي من فكرة
للمعنى اللي بغني عليه أعلى الحاضر
أنا شجرة بتطرح طيب خاطر وأنتِ الباقية
الوعي اللي دخلته ب شوقي وفضلت معاه
والصفقة الأعظم في العالم إنك جيتي ل جريء، متمرد وسط الأشياء

متكاسل،
صامت،
أو فقري
أضعف م الجوع، والليل،
والسما بالذات لو هتخاصم عالأرض حزين
بس سياسي،
وسياستي مودة هتبقى لك أكثر م الشّعر
لو فيا قصيدة بتشبه لك
هتكون الشمس الي تغطي ب ضلة
مش لسعة وخوف..
من حد مُصمم تبقي نتيجة من هيئة وروح
للوصل الي بيحصد في جوايز
علشان حبيت واحدة مثابرة
بتري الخير،
واليوم الأفضل بالنسبالها هو الي يغيط إحباط محسوس
والشيء المدهش، والملموس
إنك جايا ل شخصي هدية
شوفتي الحظ،
لو أشوف أمي جوا عيونك بجمال وحنين
أنا هطُلب إيه بعدك تاني..

دمطر وطريفة

أنا حد أمومي بقدر ما أبان أبوي
ويجوز ابنك على قدر رجولتي وطبعي الصعب
واحد من أمة بتتألف من ناس ياما
العمق اللي بيعكس فيا
تفكير فيك على ضي الروح
البت اللي دموعها عيونها
وخدودها بتطرح م التفاح شكل جنينة
الأرض اللي بتشهد وقتي
وأنا قاعد أسجل في دفاتري أشياء بيتها
الإيد اللي بتلمس ضعفي
تبقي ب رقة ونس ل سنين
الوردة اللي بتسمح ليا أبقى سماها
وضلوعي عشانها شجر يقطين
في مكان وزمان بره الدنيا
بتراقبه الست أو هدى حداد زي ما تختار
المنزل دافي بيهوى الإنسان من صوت قلبه

على عتبة بابهِ فيه شاي مع ضحك
والورد الأحمر يشبه لكِ وأنتِ خجولة زي الأطفال
دراعين حولك زي الأصحاب لو خايقة في يوم
تجسيد من حاضر بحلم بيه وأنتِ معايا

..

عكدي الوددي 1

الطريقة الأمثل في تصور حد طفولي زبي

مش ممكن تؤدي لحل

سطحية جدًا لو جيت أقولك:

رتب ملامحي فكرة خضرا

واتشعبط في عيني الشمس

وإسألني كل ما نكابر: ولامتى هتفضلي خايقة؟!

مع إني عارفة

بسيطة جدًا أربعة حروف يخلقوا كلمة

وأنا إيدي رحلة في صنع هذا النص

وأنت الحقيقة في بيت يتفرش لك بالأمل أهلاً

بس طبعي والله مش سهلاً

فمش هقول " بحبك " على قد ما فيها من خفة العصاير

مهيبة جدًا لو يتسمع حسي

فمفيش إدراك غير لحل جديد

نحدف لبعض الشمس زي العيال

ونبص فجأة لبعض نلقاها في الشباك

على غير العادة يدينحك ذمياً

مش نهاية
بالأحرى دي فعلاً بداية
زي حقول القطن لما
بتعكس شمس في سمارها
قد ما الأطفال بتلعب
يستخبوا في حُضن أبوهم
نفس سرب في غرف هاوية
عدت الفراشات مخاوية
من جمالها سابت لي لونك
ع الملامح ضي قمحي
في الجهات الحلوة بينا
سنة، سنة فردت كفي
خطت الأيام في غنوة
حاجة هيّ موسيقى دافية
فيها منك،
من رجولتك،
فيها حاجة من أنوثتي أو طفولتي
فيها كون طيب مسامح
فيها عدل ورب سامح

تتقطع فينا المسافة ونبقى واحد

أمر فعله الإنسانية

صافي جدًّا

زي وردة وزاد شبابها

فجأة لما دق بابها

حد زيك ياتزانه

راضي فعلاً،

زي سمعي، وقد بصري

حظي لمسي في المشاكل

ألقي عينك نور طريقي

حد لما خذلني ريقي

قال كلامي نيابة عني

كتفي لما يقول مفارق

يبقى فارق جمب مني

من جميع فعله الأوامر إلا ليا

كنت أعند حد يرفض

كان بسيط بيقول عنيا

إلا أنتِ،

تفضلي وحدك قانوني

إلا هو؛

يبقى وحي وجه سماوي للقصيدة اللي في عيوني

..

بدأ الخصام وأنتِ

يا حبيبتي فيه نظرية في الأدب اسمها سمياء (سيمائية)

فيها من العمر،

عبقرية شعراء البلدان العريقة

فيها من العنقوان،

تشكيل اتنين في ميدان مجهول

فيها جمالك شايقه على وصول

وأنا لسه بثير عالارض إيقاعنا

المد، وجزر

والفصل الأول مايكفيش

أوصف روحك بره العالم..

أنا شيء من صمت،

صامد وشديد،

وبليد على إنه يسيب كامل تشكيه

في الرحلة الخوف من هذا الفصل

الخطوة اللي بشوفها شجاعة هتبان ولا شيء

وأنا كنت أظن إن اللهفة

ينفع ترتاح لو قابلت زيك بعد سنين

واثقة، وحلوة

زي الغنوة

في إيدين الأب اللي بيمسك في إيدين بنته علشان خارجين

وأنتِ بتمشي على طول وياه من غير تفكير

وأنا كنت أظن!!

أنا حد محاصر، متناقض وأنتِ المستقبل

تفسير للواقع لو متشاف من أفضل ناس،

من عين الفن،

من شعرا بتغلب في حكومة

لقاعات الحُب المزعومة

علشان الورث يكون أجمل..

عالم غلبان وأنتِ العالية

الغالية بمعنى الإيمان المُطلق إن الدنيا بلاك مفيش

الفكرة اللي بتطلع في الشمس

يخطر عالبال خفقان قلبي

بس أنا نفسي،

ومجاش في فصول النظرية إنك تابع ولا هتكوني

آه يا سايبة العالم في عيوني

بدموع الأم اللي بتمشي ورا نار الشوق

على عيل سايب ميت خطوة قدام الباب

مع إنه مجاش!!

لما قيل عن الجوزاء

أنا ليا صاحب يشبه الغنوة
بيغازل العفاريت زي عين الشمس وكإنهم فراشات
ويغازل الحلويين ببراءة التايب
ونصيه م الفهلوة
نفس عيل بيحفظوه الألوان
ونصيه م الدنيا
لو ربع ضحكة ترجعه إنسان
والباقي من قلبه بيوزعوا تخاطيف
فيواري سوءة روحه عن روحه
وقت اكتمال النور
ويقول كلامه وبعدها ينسى
مين اللي حاسب مش مهم..
مين اللي غايب.. المفترض هو
مين اللي ناسب بالدعا حظ السما في رزقه
المفترض إحنا
غريبة جداً لو جي يلمحنا
يلقى الوشوش في حصار
في مدينة هايبة فوق رؤوس الطير
تهدي القلوب، بقلوب

فايا بتحميد الثموق زي المغنوة

قالت،

وكتبت قصيدة اتحرکت

زي الجمال الحيّ

..

(1)

" عيناك حُلّمي الذي سيكون "

فايا كانت فاكرة إنها غنوة

أو حيلة بشوق من محض ذكاء

رقصة،

مع ذلك أحد الأشخاص شكك فيها

إهمال الشيء كافي يكونه

من عاش بلا غاية في الأصل يخونه

والساعة بتنزف في عيونه بلا صوت عبّرة

العبرة من نفسه ل سكونه في خطاوي الليل

خارج م الشمس يقول هانت هتشوفني جميل

تمسك إيدي،

والأفضل لو تمسك خو في ولا شيء ولا رد
أعظم من بنت تشوفك ماشي
تمسك في إيديك..

(2)

" كبيراً كما يحلم المتعبون "

أبان مُفلس

مفيش فيا بواقي لشيء تشتري أرضك

ياورد أبيض نامي زي الكروم العذب

يا بركة مُصمم عالحياءة يفضل وحيد لو وسط ناس

يا نفس اللحظة الفطرية في خيال الحس

يا روايح تفاح ولمون من شكل الأنثي السماوية

وأنا بتأمل لو كانت حوا أكيد زيك

كان لازم آدم يسجد ل سنين حمداً لله

(3)

" كبيراً كخير البلادي "
آه لو نهرب أنا وأنتِ أساساً م الباقيين
حُرِين جَدًّا عَن طيب خاطر
تعبير ناضج أخضر شفاف
مالهوش في اللف ولا التلفيق
معروف بطبيعته الثابتة بِ سَكِينة وجمال إنسان
بيحبك أكثر مِن طبعه في وقت تسامح
صياد ل طيور بيصيد الكُلّ وعليكِ يخاف
بيسيبك تيجي هداية وكفاية عليه
مجدوب بالعفوية الممدودة مِن أجلك وحدك وحياتك
لا مِن أجله يا كل الأهواء
وطموحه اللي بينشع في الدم
علشان رغبة تبقي عيونه
مظلوم في عواطفه كأَي بريء مكسوف ينطق
يتلم الحق ويشفع له زي التبرير
حُبك محصول مِن موت وميلاد أو حتى خلود
مش فارق مين فينا الثمرة

يا حنين يلدغني أقول آسف وأنا بضحك أصلاً مع روحي

لو أحس الخطفة هبان شبعان

لو أحسك هتألم تاني

وحشاني وفاهم وحشاني

لو صادفت أعزل في مشاعره

كان صوت فايا لسه بيحلف إنك باقية

وغيابك أنا لسه بحايئه

..

عكس الوند 2

كل الولايات في ظروفٍ ما
بتجن وتخضع للدولة
بيقوم شاعر يكتبها قصيدة على حس رئيس
بتبان جغرافيا العالم كله زي مودة
بتحايل في البحر، اليابس
وتسيب أتباع سابوا في دينهم علشان نجمة في السما أحلى
بتبص على الإنسان من فوقه
نصه التايه زي يقينه
أفكاره في وقت الضهر مجاز
عن معنى نفاق الصبحية
راصد في عينيه هيئات وسمات
في سهول الرعي ما بين بلدين
وبحكك منتشرة وخاطفة كتير ياما
والشمس اللي بيحلف ليها
عاوزاني أصوم
خدي بالك من خاطره الطيب علشان مشتاق
ولا نوم، ولا حس
ولا شايف زيك في غيابك

..

خولك طفيف

البيوت اللمة،

والقلوب، الشوق

وأنتِ وشموسك عالرمش لو سهران

زي الرصاص ومودة واتقابلوا

والحُب وردة وماشية في الشارع

بيعدي ليه الحظ عربية

يقتلها وبيمشي!!

ها يتنظرونا خلف الدومى

قال الأستاذ:

جغرافيا العالم م السكّان

أجساد تتحلل بعد الموت

والسبب الي يؤدي لذلك

السفر الي بنسأل عنه بعد ما بنموت

علشان بنراقب أهل الأرض

بلا موعد سابق حددناه

إمّا بنشوف الي واحشنا من كن.. فيكون

والمبهج خالص في القصة:

جسدك دايم

روحك على حق

بتمارس كل ميول شغفك ومفيش فاصل

بتفاصيل على قد براعتك في النوم والحُب

منتظر الرغبة الي تخلي

برزخ أيامك يهفو إليك

وتقوله الحاصل في الدنيا

تكتب غنوة،
تبقى مودة لكل الولايات
تكتب عالشرق،
يرفع راسه في كل البلدان
عن أصل دمار جعلوه شامل
وف عز الدين ما بيتظاهر بأصول الفن
الواقع بقى ضد الكلمة
الروح النبوية اتشالتِ علشان تفلت كائنات حية
البُعد الروحاني اللي اتسد
علشان راصد للشخصية
والحدّث اللي جعلنا جوارح
كان هادي وحاسس بالهوجة إنما تعبان
والقطر أهو ماشي وعين بتشوف
عَن طفل يبسأل مرة أبوه:
طب ليه ماشي وأنا جاي أقابلك؟!
ويرد الأب:
مش ذنبي أسيبك قبل ما نتحايل عالصحيان بدري
كان لسه الأستاذ بيقول
جغرافيا العالم م السكّان

كان فيه أطفال بتقول والدي
في معارك موتى ودق طبول
وحقيقي،
الشأن الأعظم في الإنسان لو تسمع له
والشيء الأصدق
إن أنا شاعر
بضحك عالناس بغباوة وجد
..

أنا وظلي

بيعدي العُمر وأنا بسابقك يا خطاوي الحظ
أيا بذرة بتطرح أيامي
والشمس هناك عالية بمقدار
والخطة بسيطة ومحكومة
أنا نفسي الأشبه بالشومة جايا تقابلك
بروابط من ضلي الداكن
بترابط من حُزني الساكن
لِ عِينِكِ في آخر مشواري
إلزام لِ غروب يبقى نهارنا
أجبار لتناقض يبقى مدينة
والشارع لو يلزم دوره
هييان بِ رصانة وجاذبية
فضلاً يعني: ما تُصبي عيونك في عنيا
وارميني على سطوحهم عيل
بيشوفك طفلة لحد الآن..

وردة

لو خيروني بين الاقحوان
الشعر الفردوسي الأرضي
دخان، وشراب
لِ موسيقى كلاسيكية من نظرة عين
لِ جنون ألوان
لِ اخترتك من بينهم فوشيا
ورسمتك بيه زي خلايا
بس أنا ساخر
من قلة ذوقي
باصيت لك من سقف جنوني
تيجي ترمي الأخضر في عيوني
زي الأطفال في سبيل صدفة
يبني لك قلبي مكانه بيوت

..

النظرة الدهشوية لـ عيـنـها

النهاردة كُنت ناوي اشترى الأعمال الكاملة
لـ جلال الدين أو جايز شمس (شمس التبريزي)
وأنا ماشي لقيت صندوق حلوى بفيونكة جميل
وخذتني الدهشة اللي عليها عيونك هتقولي جميل
واصفاً ليا مش عالصندوق
جبته وجيته لـك

..

على باب الوندى شاعر

لكل الذين حملوا رؤى عيونهم المعتمدة

قالت: يَا عَدُوَّ الخَمْرِ

وسابت لي عينيها أسكرٌ منها في حروب الشوق

..

الآن،

هشرب عينيكَ الموصوفين خمرة

واقف،

وبَّ وِيَّ وشي ناحية إيديك الطيبين

والحظ ده مش نعمة - لا-

فين الحلاوة لو أمد إيدي وكاسي صوتي

تتضحك،

تقلب الشفتين حنين

وأنا مش ذنوب ولا مقصدي

أنا حد زي الجن ماشي
بس برضوا ابن أم
مش سعيدة في التحية توصلك تمشي في عروقي
مش مجازاً يبقى باب الغيب موارد
تيجي جمبه تعيطي
رهما حُبك ل شاعر
خُلاكِ مش قد الهوى
وأنا مش بقصد رميت محبة
تبقى فانية زي مايو في اللقا

قلبك بسيط
رامي بعواطفه في خيل سبق
وزن،
ومجاز،
وبراءة ماشية ع الإزاز
حميمية بين جد وهزل
شيء رذل
لو تخافي من قصيدي
يتقطع بيناً الغزل!!

ماذا أفعل؟!

شدت الجماهير في روعي

سألوني عنك

غطيت جميل الذكريات

وافتكرت " هيلين " ساعتها

وافتكرتك

فات عليًا ضي " هومر " من عمايا

كُنْتُ جمبي،

وكان معايا

رغبة العشرين قصيدة مش سنة

وأصحابي من لعب الورق

عالقهوة كانوا دور بطولي

وأبويا لما ملحني فيهم

قال شهامة ومجدعة

حتى يومها ربنا

سابني أفهم ليه خسارة تجيب خسارة

ليه ألم بيحيب غياب

وحشاني من قبل العتاب

وخداني من كل الصور نعسان عليهم

والدمع ده أصيع وَنَس
مخلوق لطيف بيكتفك جوا الموسيقى الملهمة
مِنِ حلِيم ولحد سومة
مِنِ وصولي للسهر ولحين حصول الليل عليه
ب طرح فيا كل الأشياء
وبراقب فينك مِن دلوقت

أينَ وامتى،
نتقابل زي ربيع الوقت
بعد مشاغل مِن شوق وغياب

..

ساعة دمكوذ

هي - لا -

وأنا حي تايه في الحياة غير مكتفي

روحي في شوارع أورشليم زي المطر

إيدي اليمين زي الحجارة ولم تزل

إيدي الشمال

كان صابها جرح من الغزل

فد عنيا فيضاً من عسل

وف جسمي ضلع أساسي ناقص مش لاقيه

باصيت لها

غصب عني بدون إرادة

قال الونس: الله

وأنا قولت زيه بحبها

..

إلى هواليد برج الأسد

الحاسب من حُب صداقته

رأي قناعته

إن العالم كانت تحت الشمس بيلعب لعبة

النحل يبني بيوت في شقوق

والحيرة يدوب أصلاً مفتاح

بالفطرة اللي زرعتها في قلبه قدام الناس

فاهم وكتوم..

إنما مع نفسه تقوم الدنيا مخلب، وضمير

الرصد اللي بيسمح ل شيطان

يحتوي خوفه على قد ما فيه من رضا إنسان

طيب وجميل

..

بعد أول أبياتي

أنتِ

يا زي وردة في ضيافة الله

وقابلتي مرة صوفي صدفة

ماكنتش حادثة لُقا

كان ضلعي بيشاور عليكِ

من وسطهم بالذات

..

معنى الضلّة

حواليا حاجات كثير

حلوة

مع ذلك غيرك لم أرى

يا ضي نجمة مسكرة

مصنوعة من طبع الغزل

وغواني قلبي،

جيت بروحي الفلسفة

تحت ضل عينيك نرجس

فكروني بالمشيئة

طالعة دهشة من غموضك

جايا أرضي حمامة هاربة

فيا دارك،

صبح من فدان أنوثتك

أفلاطوني،

شاف طفولتك

مد إيدّه عالسما حدفت ونس

رسالة غرامية

قالت لي الملائكة

"لم يعد يُحبك الله"

وأنا طفل بيخاف ربنا في غضبه

وبحبيك،

على قد خاطر ما هو زعلان

بين ضعفه وعظمة إيد الله

..

اللاتخاية

برغم إني البعيد في العياط مفترى
بيفرح بالسما المطرة،
قلبه القوي
لو يسقي غيره بالكرم وقت ومشاعر
وإندهاشه
من بشاشة عين سفنجة
وناس نهاية فيما بعد
بالرؤية النسبية الحادة
وكان شيئاً لم يكن،
لو لم يكن إنسان

..

هميلة

الحلوة أهي،
ساكنة في روحي
ماشية ف شارع
فيه زراعة بتسقي في ورد الخد
على يمينها،
شوية كتمان من ليل قافل على شبابيكه
في الحي المفروض إنه
تايه في سكون، بلا نور ينفع يتشاف ويحس
على شمالك،
هتلاقي غريب
وفي عينه السايلة
الناس ماشية نظرة وتلميح
أشبه بمكان فاضي، ومهجور
مع إنه بيلمع بالمصابيح
نفس الإنسان!!
واستني شوية وأنتِ بتمشي

فيه نهار جايلك هتروحي معاه
على باب الروح اللى استني ومعاتبتيش
هتلاقي إيديه زي العطشان
على ضهره رسوم زي الورقة
ما يجوز الشيء إلا بلمسه
وبخفة تعيدي ل نفسه سكونها
الأزل اللي بيضحك في السر
على إني الأبدى ل معاليك
زي العيل في حضور أبويه
يشبه لمنازل مبسوطة في غابات الطبع
وغصونه كفاية تكون غمزة
الأهل عليها بيتحايلوا ل تدوب فجأة
وأنا دايب أصلاً في عيونك زي الفكة
من أصل وشيش
وقصيدة ما تتوقعش إني أسيبك
علشان بقشيش على حي الشعر

..

خبيبة أهلك

مايغركيش إنَّ البلاد صافية زي شجر التين

في الخارج،

السما بتمطر فينا بيوت

في الداخل،

قلبوا اليقطين لِرصاص وبارود

على حِسِ الحلو في غضبه جميل

..

متخيلة

في البلبلة

السما حيلها بيروح على فين!!

التوب في الحزن اللي يشمر حظ دراعه وقت الدُرورة

وإله الشوق اللي جعلنا

البلوة في كائن مشاعرنا

مع إنه إله طيب وبسيط،

وسعيد بزلوعنا لو مأوى

في الخطر اللي يغيّر ضفه،

مِنَ نَفْسِ الْكُفَّةِ الَّتِي عَلَيْهَا
فِي إِلَهٍ طَمَعَانٍ عَلَى شَطِّ النَّيْلِ يَثْبِتُ نَفْسَهُ
يَسْتَوْلِي عَلَيْهِ بَعْدَ رَوَيْدًا
وَنَشُوفٍ فِي عَيْنَيْهِ الصَّبْرَ السَّاكِتَ بِأُلُوفٍ ضَالَّةٍ
وَسَبِيلَهُ عُرُوسَهُ تَكُونُ شَابَةً
هَتَمَتِ،
وَالْعَالَمَ يَرْجِعُ مِ الْأَوَّلِ
وَأَهُوَ مِ الْأَوَّلِ هَتَبَانِ رُؤْيَا مَالِهَاشِ تَفْسِيرِ
عَلَى حِينِ غَرَّةٍ جَاءُوا بِ يَوْسُفَ
طَبَّ فِينِ النَّسُوءِ فِي عَرْضِ الْحَقِّ؟!
فَايْتَةُ زَلِيخَةَ بَتَقُولُ: " رَبَاهُ"
وَعَلَيْهَا تَجَلَّى اللَّهُ وَاسْتَقْبَلَهَا
عَلَى بَابِ التَّوْبَةِ تَكُونُ زَوْجَةً
لَمْ يَتَّبِعِينَ جَائِزِ يَوْسُفَ
مَعَ إِنَّ الْقَلْبَ صَحِيحِ كَوْمَةٍ
لَمْ يَمْسِكْ شَيْءٌ لَمْ رَأَاهَا عَلَى بَابِهِ عَجُوزِ
مَعَ إِنَّهَا سَائِبَةٌ جَمَالِهَا الْمُدْهَشِ،
وَإَيْدِيهَا الطَّائِلَةَ سُلْطَةَ وَنَفُودِ
وَاخْتَارَتْ فَرْدَ مَفِيشِ غَيْرِهِ وَانْتَحَرَتْ فِيهِ

مِنْ يومها العالم بقي تابه،

ولحين رؤياه

اقصص رؤياك..

ما خلاص الأخوة بقوا حكومة

وبقيننا عبيد،

بوداعة قمح في وسط سنابله

أسمر، وكتوم

مِنْ عام البؤس لِ عامه الهالك

ماشيين على حِس وهو كذلك

والجوع فينا زي الثانية

البية محلو، وشعره طويل

لو يُبصر واحد بلا خوذة

هيدب إيديه في عينيه الاتنين

ونعيد القصة مِنْ الأول

بس أنا آسف..

مِنْ يوم الشمس ما فلتت شعرها خوفًا

وأنا لسه كسوفي بيكهرب كل الأشياء

التعلب شاء،

بس ما شيئنا

بالشيء اللي بيسكّر على طول

ما هو زي مثال بمهارة كافية

بتخاف من إيه؟!

الليل لو فاضي بيتسلى على حس الناس

..

مكان قلبي لا أكترو ولا أقله

هربان،

وفي إيدي قلبي السخيّ

قلبك معراج

وأنا مش نبي

أنا زي المصلوب نفسه وفاضت روحه

شافك مريم

فَ اقبله زي الرطب واضحكِ بشرى

..

الأمهر الدهشة

في ليل عيني

تبان عينك طالة من الشباك

تسألني أمي تحب مين؟!

فأقولها:

ما أنتِ عارفة

ربنا

نُمَّ

أنتِ

وقصيدة رفضت تلمس إيديا بدون سبب

مع إن،

من أيام ما اتوزعوا الأرزاق

وأنا كل ليلة بسألربنا تكافئني مرة بإيه؟!

مايهمنيش الوقت كام

بس أبص الأقي عينها

جايا جاهزة تبص ليّ

المعطر الرهيف و البنفسج

أبويا

يا طوب بيتنا،

وضلة بتسند القبالة من توبك

فتنزل شمسها عالقد

وإيد لو تجبر خاطر

هوطني يجوز،

وأبوس الكف ميت مرة

عشان المرة مش كافية تكون لك وصف

يا فاطر عيشنا من إيدك

وفاتح م البداية كتاب

وسايب إيدنا ماشية عليه

عجيب زيك؛

عشان الدنيا واخدة عليه

بتمشي محبة على كيفه

بتسقي الواحد المحتاج ونس دافي

وترمي بكاها عالعيان يقوم شافي

وبتمد الفقير في السر يقول: الله

فيا الله:

أبويا ده ابني في ضلوعي وركن وجود

وكل الباقي في طفولتي في ساحة أمان

أبويا يجوز ماهوش فنان

لكن فكرة وأنا زيه

ف حُب البيت وتفاصيله

أبويا ملاجيء العصافير إذا اختلفوا وقالوا: نغيب

ومش كل السمار يكسب لأنه جميل

وأبويا الواحد الكسبان

في عز غروب حلى ضيه

وأنا بس أشوفه والله بظمن

وف عيني حبيبي مشيت على طرح الندى

وكل ما يهل العطش

يسقيني نون عينيه

الأهمية كانت لإبتدائها

سيبي روحك
وأيديا سايقة طفولتي وياك
وسيبيني بجري ويا النصيب
والحظ ميت مشوار
والله جميل،
علشان بيحاسب العبد عالنية
مش قصده في الأفعال
فوهبنا الحارة الطيبة إياها
أوسع قلوب أبوابها جوه الناس
أقصر طريق للطف في لسانهم
وأصدق محبة من جناين الفل
وإن جينا فعلاً للحساب وحاولنا نطرح بعض
نبقى شيء واحد
والحسبة تنفع بس بره بعيد
عَن " بحيك " في الفراق أكثر
قد الغروب ما بدوبه في سُكر

فبيان في نبي الشاي
أو يعني فيا،
لو كُنتِ بره الأوردة جايز
أو لسه خايف اعترف فيقولوا حد عبيط

..

مكالمة شبيهة وحياة

على مدّ النظر

سألوا عني مجرمين ولصوص

وبتهمة إيه ما عرفش!!

يمكن عشان

بعرف أصب البيرة في لون قصيدي وأنتظر دورها

فتبان جميلة زي الانتصار الطفيف

وأبان خفيف زي الحقيقة

لو كنت ناوية تقربي

وده مجد شخصي مالهوش يجوز في الشُّعر

لُه

في الحقيقة مجاز

..

رويا

في الحلم،

عكاز ل جدي مكتوب عليه

في الواقع،

من خلق آدم وميزانه عدل

يعني:

في الصباح لما يندهش وصل الطريق بعُناه

والظهر لما يضحك عليه بالأمس

والأرض لما تُقد قميصها وتغني: إيه غير الأحوال؟!

ينده عليك البال

فتقبله زي السما ما بتحدف الغربية

وتغازله زي الصلا ما بتحرس التايب

وتطل فجأة في سورة الشعرا

تنده عليك بنت معجونة بقصيدة

ولو أنتَ شاعر قولها:

ازاي فعينك نامت أمي بالسلام

ودخلتي سجني متشعلقة في الشمس

عشرين قصيدة مايعملوش شاعر
وفراش واحدة بتقول سلامًا " هيت لك "
تبقى القصيدة والصُدف للناس

..

عكدي الوندى 3

زي إن حد يسألك

تفهم إيه عن الدهشة؟!

فتسكَّت شوية وبعدين تقول:

أعرف أكيدًا أربعة

ستي اللي سابت حضاها جوا بيتنا يساوي ستر

جدي اللي شوفته خطفة في الصور واتشاف جميل

علشان في طبعه شوفت أمي ف وقتها

ربنا لما وزع الأرزاق

وإداني حته من السما على شكل أبويا

وعينيها عشان،

كانوا أصدق من خيالي في الكتابة

..

هني غير أحمر ولا دهماتور

مش بسيط

يمكن لأن البساطة زي طوق الانتظار
هتاخدي فجأة لأول نفخة في الصور
ولشكل آدم قبل الخروج بالفطرة مش عن عمد
وأنا شيء يدوب يا حبيبتي
بين المشارق والمغرب
متشالة روجي وماشية على كفي
بين السياسة والقانون
هتلاقي لحن بيعجب القهوة
قد ما بيعجب سجايري
وأنا بشتهيها ومفيش لرفضي سبيل
في متاهة عيل
مشتاق حبيبه يبص له
بس أنتِ فين؟!

هي ذاتها

أزلية عينك

زي السلام منعوه من بلاط العرش
وسابولي خصم كبير اسمه الغياب جمبي
ورموني جوا زنزانة وداخلها من قلبي
ومعايا شايف ربنا بيتابع الأحداث
إيه اللي جابني.. مش مهم !!
ولفين هروح.. مش مهم !!
ومفيش صدى ييمسي نفسه ب بنت
بس لما الشوق نده
كان الصدى أنتِ

..

هابقتدثي فيا جهنمية

نعسان وسارح عالرصيف
اتملكوه العفاريت
آخرتها يعني يشوف خدك على الأزهار
فين البراءة،
وفين جميل الحلم
وليه أنام، أصحى
ألقى العمى في الصوت،
والخرس في العين
اتارينني ببكي زي العيال
على حاجة حلوة تخُصني
بس أنتِ فعلاً مش هنا

..

عجينة من مملكتك أرواحته

كم بنت سألتني

ليه القليل في الحظ يشبه لك!!

مكتوب عليا امشي في شديد الشمس

مكتوب عليك تتشعبطي في الوهم

وتشيبني جوايا

زي اللي عاش سواح

لا في إيده دنيا وعود

ولا ثانية يوم ل هواه

نفس اللي داق الموت

وقت احتضان النفس

داق اللي صلى الفجر

سمعوا الملايكة بكاه،

وسمعتي تنهيدُ،
ومشيتي معنى وجود
ووصلتي غفلة للسما
ورجعتي تفاحة
وشاورتي كان المغزى: كُ
وجاوي كان:
ما أقدرش أنا على توهة العصيان
بقناعة مني لو تكوني
زي جارة في حارتنا هادية وطيبة
كل يوم الصبح
بتلم نور ربنا على كفها
وما تقولشي لغير الله:
وحدك وعالم بالنوايا
مش زي ظن الناس
فيقولها ربنا على سبيل الوحي:
هيزيد النور في كفينك إذا صبرتِ
ما الأرض بين يدي
والرزق أوسع ما دومتِ بتقولي
ما هو كل شيء لله

..

فتقوم تخطي العتب

تفتح إيديها للعيال

وتسيب مشيئة ربنا بتوزع الأرزاق

وما بين حمول القلب وحلولها

قصدتني شاعر يكتبها غنوة

باصيت عليها،

فَ شبعَت شِعري قبل ما تشب القصيدة

وأنا مش قابيل

علشان أدفنها في عيوني وتضيع هناك

فتضيعي منِّي من قبل ما تكوني

..

هذه صنوع عينه الشمعدني

بعض العوام سألوني مرة

مش كثير أربع سنين بدون قصيدة غزل

مابقتش عارف

اكتب عشان أوصل ويحلوا هما معادلة مغلوطه

كان فيه يجوز في إيديا بنوته

وأنا ليها أب

وسابتنى مرة بتجري عالديكان

فَ اعترضت لشيء

فهمتني بخل أو يعني قساوة من طبعي

والقصد كان في عينها عسليه

تطلبها ليه هي

وتشوفها عين الناس

..

عكدي الوددي 4

وبشوفك مش كلمة مجذوبة
مش فعل واقف عالطريق
عشمان يقابل طلتك
ولا خطوة واحدة خايقة ترمي خطاوي وحدة
فَ تبت العُمر اللي خالف
فيينا حاجة من الطفولة
وما بيننا الناس على مرمى بعيد
أو بيني وبينك
بنشوف الزمن الهارب في عيونا طيارة ورق
وبتجري يا سيدنا ل بلاد وياك
فَ تسيب هنا فرحة بتستناك بجناح مقصوص
ما الطير لو سافر ليل حُضنه
فَ ملين هيعوز؟!!

وأنا شوفتك ضي
أبسط ما شئت من القدر
لو حان هيقرأ الكف
واتنين، ثلاثة من كل معنى جميل
وقابلتهم بالهجر!!

والدنيا إيه؟!
غير شخص اسمه حنين
بيان غلبان لكن؛
مش كل الغلابة يتصدقوا بالشوف..

ما هو ف الحقيقة،
كم حد ماسك خلف النافذة في سراب مالهب سبيل
غير بس على قلبه
وأنا قلبي عارفك زي صوتك
لو فهلوي وهيختفي في تويي
هزرع في روعي الحنجرة
تبتسم؛
نرقص سوا فوق الفراق بالحظ

تهديني وردة؛
نضحك عبث على جسر اللقا الهالك
وتبص فجأة في نـن عيني
هتلاقي شمس المستحيل
بتقول مجازاً " هيت لك "
ما تخافش منهاط
أنا بس بسعى لـ جـس صوتك
وفوق كده بتخيلك
يشهد عليا ربنا
والمعجزات في بلادنا زي اللي هاب النور
مابقتش موجودة
بس فيك
كان نصيبي ماشي عارف سكتته
قد الوداع لو فلسفوه بالحرف
وقد الوعد لو قدده
صوت النهار لو جي على رجلين
فَ استنظرك
مايهمنيـش مين اللي أصدق في الغياب
طبعي العفي،
ولا عينك عالمائة

ذميان

جاين بنبي وكننا فاهمين

نشبه ملين؟!!

مش هقول أجنة قد الحقيقة المرهفة

مش هقول أطفال

علشان يومها كنا أشبه بالورق

والبكا زي الدلع

عادي جداً

بس نكبر قولوا كل شيء مجازاً

قبل العياط

ما يخاف يشقشق م القلق

..

غاية روعي

الوقت كسر لي عيني في انتظارك
والشوارع،
كانت مسافة بين حضن أمي وبين اختيار الشوق
حد يميل للغوامق
تختاري ليه الأبيض وتسيبيه
وفي اختراع الكلام قامت عليه ثورة
والدليل،
كان فيه أثر للتوت مع كل ضحكة بتضحكيها
..

وهي أول الدنيا

الله

سوى القبول عالرض لشخصه وكفاية

قالوا الملائكة: يا ربنا فتنة

قالوا البنات الحور: يا ربنا غيرة

قالوا لبنات الدنيا: مايفوتش في عتابه شهرين ولا ليلة

ويدوب، يفوت كالشوق

والغيب أتي الدنيا..

فالمشهد الأولى:

ماكنتش تشبه شيء من بنات الأرض

وكأنها هيّ

معجونة من ميا خافت تمس الطين

جعلتها ضحكة ودابت سما واتنين

والخطوة تمشي؛

يتساب شعرها خطوة

بس العجيب

سابت ضلوعها متفائة جمب الباب
وعنيها باصة عليه
طب كُله ده كان ليه!!

فالمشهد الثانية:
كان نبتها يشهد بالليل قبال الست
طعم السهر كورنيش
طوق الحنين أبو يد زي شاويش
كل ما يزيد الغنا يضحك
ويسيب دموعها متسرسة عالبحر
والحلوه تمشي
تتغندر المشاوير
صاحبت عينيها وأهي جت في غمضة ليل
بصلها ومشيت
من مرة جت فعينيه
طب كُله ده كان ليه!!

فالمشهد الثالثة:
خان الخليلي

زاوية تشهد فالحسين رُكن الدعا
وحنة واحدة حروفه من اسمه
وطبع واخذ شكلها في رسمه
تزعل؛

يقوم الشوق ويخاصم الدنيا
تمشي في هواه ثانية
وعينيها رد هواه
لو ماشية تبقى معاه
لو غايبة تبقى عليه
طب كل ده كان ليه!!

وفالآخر مفيش آخر
لجرح وخيط المعاناة وجت هي
ماشية ف سماه الشوق على محض أغنية
وتقول غريب
أنا فين مكاني من هنا
والحكمة فين يا ربنا وماليش أدعي الأسباب
لكن يجوز فيا أسألك
هل يشبه النور اللي جاوز محنتي

هل شمسنا من كوكب الدنيا
هل كان صحيح يا ربنا يلزمني وقت ما أخاف
واستنى طلة من بعيد لبعيد
تغزل شفايفي في عيد
وأبقى كما شئنا
أتواب طفولة ملفوفة على كيفنا
هل كان صحيح كل من شافنا وقال يومين وغياب
وأنا لسه هي في صحبته
وعنيا بتراقبه
ماقلتش ليه ولا حتى ده
لكنها قالت من منتهى المبدأ
بغير حتى لو يضحك
وعين غيري تقول الله

..



الهجاز الأخير

علمني أبويا اتهجى ربنا عَ الإيد
علمني أشوفه في العرق
أفهم وجوده في القلق والخوف
وأعرف بإن الحكمة مش منظره وخلص
وازاي أبص من بلكونتي
أعرف أشوف الناس بنن عين الطبع مش بنن العين

بيتنا اللي فيه مساحة م السكر ما عرفش إيه هيّ؟!
يجوز أُمي بس - لا- ما تجيش في حلاها لو شكة
أنا أُمي تشبه في هدوم أبويا خيط ضلوعه اللي اتغزل م الشوق
وتشبهلنا في الطيبة مع إنها أحلي
وفيها بشوف ربنا ساند عامود البيت من يومي عَ الدنيا
وأخواتي شكل الغنوة اللي تشبهني
وهذا يكفي م المجاز إنه يضمنا في وردة
ويحطنا فَ عنقود
وإيديا بيهم تبقي شكل بيوت متشالة من هنا ل بكره

علمني أدوق الشِعر وأترجمه لأفعال
مع إننا في جيلنا لو كنا نعرف " كل ده كان ليه "
كنا هنبقي أحسن في الغُنا ساعة الفراق

خلاني أشوفه والكل مش شايف
حتى في صبي القهوة اللي مكانش فاهم إنه واخده الشوق
أو حتى في الشارع اللي مكانش واعي إن الهدوم بتجف من قلة
الأحضان

أو سهوة في عيوني اللي مكانتش هادية زي ما أنا فاهمة
بس عاملة زي ليل الشتا
لحظة ما الشمس بتتكسف بتغيب في عز الليل
وأنا حد من طباعي الإنسانية
مش حلو جايز بس حد جميل..



المحتويات

5	الإهداء.....
5	رسالة صاحب البيت.....
9	قاعدة بتخالف ل سومر.....
11	إيه اللي ماقالتوش الست فغيايك.....
14	أكثر من اللي اتقال في جلسة نفسية.....
17	عتبتر مجاز للفضفضة.....
19	حتى لا تطفئ الشمس.....
21	في الكادر الأول م المشهد.....
23	على عيني.....
25	في الكادر الثاني م المشهد.....
27	سطر وطريق.....
29	عكس الونس 1.....
30	على غير العادة بيضحك نص.....
32	بدأ الخصام وأنت.....
34	مما قيل عن الجوزاء.....
35	فايا بتصيد الشوق زي الغنوة.....
39	عكس الونس 2.....
40	تحول طفيف.....
41	ما يتنظرنا خلف الدرس.....
44	أنا وظلي.....
45	وردة.....
46	النظرة السماوية ل عينها.....
47	على باب الونس شاعر.....
51	ساعة سكون.....
52	إلى مواليد برج الأسد.....
53	بعد أول أبياتي.....
54	معنى الضلّة.....
55	رسالة غرامية.....

- 56.....اللانهايت
- 57.....صبيته
- 59.....خبية أمل
- 63.....كان قلبي لا أكثر ولا أقل
- 64.....الأمر الدهشة
- 65.....العطر الرهيف م البنفسج
- 67.....الأهمية كانت لا يتسامتها
- 69.....كل شيء وحياة
- 70.....رؤيا
- 72.....عكس الونس 3
- 73.....من غير أحر ولا دستور
- 74.....هي ذاتها
- 75.....ما يقتش فيا جهنمية
- 76.....عجينة من ملاك أو وحش
- 79.....من صنع عين الشمس
- 80.....عكس الونس 4
- 83.....نسيان
- 84.....غايية روعي
- 85.....من أول الدنيا
- 89.....المجاز الأخير

